

7. *An mundus conflagrandus, si primus homo non peccasset?*

Dist. Inter seculi consummationem, & totalem annihilationem. Illa, ut probabiliter dicitur, locum habuisset in statu integritatis, quandoquidem translocandi homines in gloriam. De hac tacet Scriptura.

## IN LOCO

## DE EXTREMO JUDICIO.

## THEOREMATA.

1. Judicium derivatur à jure dicendo, quia secundum juris præscripta Judex sententiam dicere tenetur. Dicitur *extremum*, partim respectu judiciorum priorum, quæ Deus tum in hac vita, tum in morte hominis exercet, partim respectu temporis, quod fiet extremo mundi tempore, cum seculum consummabitur.

2. Hebræis dicitur *יוֹם הַדִּינִים* Grecis *ἡμέρας*. Notanter in Sacris dicitur dies judicii, *Matth. 19. v. 15.* dies Dei, *2. Pet. 3, 12.* dies Domini, *Joel. 2. v. 11.* dies iræ & afflictionis, *Esa. 13, 10. Amos. 5. v. 18.*

3. Quod futurum est extremum judicium, expresse docent sacræ literæ, respicientes patefactam Dei voluntatem, ejusque justitiam, *Psal. 9, 8. Matth. 12 v. 36 41. cap. 13, 41, seq. Actor. 17, 31. Rom. 2, 5. 6. 7. 1. Cor. 4, 5. 2. Cor. 5. 10. 2. Thess. 1, 5. 6. seqq.* Adde conscientiam impiorum, de qua *Rom. 2. v. 15. 16.*

4. Judicium vero extremum est actus sollemnis, quo SS. Trinitas, per Filium visibiliter componentem, Angelos malos, omnesque homines judicatura est, piis quidem in vitam æternam transcriptis, Angelis vero malis & hominibus impiis ad æternos gehennæ cruciatus relegatis.

5. Efficiens principalis recte constituitur tota Trinitas, Pater, Filius & Spiritus Sanctus. Ostendunt hoc dicta Scripturæ, *Psal. 9, 8. Dan. 7, 9. & 10. Job. 5, 22.* Accedit & hæc ratio: actus peragendi judicii est opus ad extra. E. indivisum, & totius Trinitatis commune.

6. Causæ impulsivæ sunt: 1. Justitia divina, quæ piis præmia, impiis supplicia decernit. 2. Veritas ejusdem, quæ prædicta jubet impleri. 3. Diaboli & mundi malitia, quæ debet comprimi.

7. Causæ instrumentales sunt Angeli & homines pii, qui non

Q9999 2

qui-